

扶風縣志

卷十五之十八全

扶風縣志卷之十五

列女

岐周肇興化基淑女漢曹大家後此孰比維才與節
垂光青史彙爲一編彤管有煒述列女志第十五

漢

班婕妤左曹越騎校尉況之女也成帝選入宮爲婕妤帝游
後庭欲與同輦婕妤辭曰觀古圖畫賢聖之君皆有名臣
在側三代末主迺有嬖女今欲同輦得毋似之上善其言
而止婕妤每進見上疏依則古禮鴻嘉三年爲趙飛燕譖
告祝詛考問對曰妾聞死生有命富貴在天修正尚未蒙
福爲邪欲以何望使鬼神有知不受不臣之愬如其無知

總之何益上善其對賜黃金百斤趙氏驕妒倖忝見危
求供養長信宮上許焉及薨葬成帝園中

明德馬皇后伏波將軍援小女也年十歲幹理家事勅制僅
御事同成人十三選入太子宫奉承陰后傍接同列禮則
修備顯宗卽位以爲貴人時后前母姊女賈氏亦以選入
生肅宗后盡心撫養過於所生肅宗亦孝性惇篤慈愛無
間后常以皇嗣未廣薦達左右若恐不及永平三年立爲
皇后愈自謙肅身長七尺二寸方口美髮能誦易好讀春
秋楚辭尤善周官董仲舒書自服大練食不求甘楚獄連
年不斷乘間言及上惻然遂多所降宥時諸將奏事及公
卿較議難平者帝數以試后后分解各得其情政事多所

毗補而未嘗以家私干裁減外家封爵屢下詔戒諭肅宗
卽位尊爲皇太后復請加恩外家太后不許寢疾不信巫
祝勅絕禱祀在位二十三年崩合葬顯陵

章德竇皇后大司徒融之曾孫也年六歲能書建初二年與
女弟俱選入宮進止有序風容甚盛肅宗先聞后才色及
見雅以爲美馬太后亦異焉后性敏給傾心承接稱譽日
聞明年遂立爲皇后竇貴人見竇章傳

恒思竇皇后武之女也延熹八年冬立爲皇后帝崩尊爲皇
太后定策立靈帝後后父大將軍武謀誅宦官爲中常侍
曹節等所殺遷太后於南宮雲亭立七年崩合葬宣陵

班昭字惠彪之女同郡曹壽世叔妻也博學高才世叔早卒

昭有節行兄固著漢書表志未竟而卒和帝詔昭就東觀
踵成之令皇后諸貴人師事焉號曰大家鄧太后臨朝以
出入之勤特封子成關內侯時漢書始出同郡馬融從昭
受讀又詔融兄續繼昭成之兄超年老久在絕域上書乞
歸昭爲懇請遂得生還嘗作女誡七篇女妹曹豐生亦有
才惠昭年七十餘卒皇太后素服舉哀所著賦頌銘誄等
書凡十六篇子婦丁氏爲撰集之又作大家贊焉

馬倫融之女有才辨適汝南袁隗裝遣甚盛隗問曰婦奉箕
箒何過珍麗乎對曰慈親垂愛不可逆命君若欲慕鮑宣
梁鴻之高妾亦請從少君孟光之事矣隗又曰處姊未適
先行可乎對曰妾姊高行殊邈未遭良匹不似鄙薄苟然

而已又問曰南郡君學窮道與文爲詞宗而以貨財爲
何耶對曰孔子大聖不免武叔之毀子路至賢猶有伯寮
之愬家君獲此固其宜爾隗不能屈隗旣寵貴倫亦有名
於世姊馬芝亦有才義少喪親長而追感作申情賦焉

孟光字德曜年三十擇對不嫁父母問其故曰欲得賢如梁
伯鸞者鴻聞而聘之及嫁裝飾入門七日而鴻不答光跪
請鴻曰吾欲裘褐之人可與俱隱深山者爾今衣綺縞傅
粉墨豈鴻所願哉光曰以觀夫子之志爾妾自有隱居之
服迺更爲椎髻布衣操作而前鴻喜曰此真鴻妻也居有
頃光口問夫子欲隱居避患今何默默鴻曰諾迺共入霸
陵山耕織爲業詠詩書彈琴以自娛後適吳依臯伯通居

廡下爲人質春每歸光爲具食不敢仰視舉案齊眉伯通
異之遂與鴻定交杵臼間而舍之於家及鴻卒光還鄉里
苻秦

蘇蕙字若蘭陳畱令武功道質女也識知精明儀容秀麗年
十六歸於竇滔苻堅時滔鎮襄陽攜寵姬趙陽臺往若蘭
不與偕行滔竟斷其音問若蘭悔恨自傷因織錦爲迴文
五彩相宣瑩心耀目縱廣八寸許計八百餘言縱橫反覆
皆成章句共詩三千七百餘首才情之妙超今邁古名曰
璇璣圖使使齎致襄陽滔感其意具車從迎若蘭歸漢南
恩好愈重所著詩文五千餘言獨迴文傳於世焉

元

李氏孫福妻夫亡守節延祐二年旌表

明

許氏李實妻守節三十餘年事姑以孝聞景泰二年旌表

董氏胡宗顏妻年二十一歲守節紡績撫孤年七十終嘉靖

二十年旌表宗顏亦以孝稱

高氏通判胡宗儒妻以節聞

見郡志

薛氏王瑾妻參政綸叔母也年十九夫亡撫遺子綜幼且瞽

襁褓鞠育苦節六十餘年卒

新志增

孟氏義官王紀繼妻年二十五守節孝養舅姑撫前室子舍

與生子合不異後合成名致仕終養孫子貴顯人謂節義

之報壽八十有五卒

新志增

張雙烈女

案二女長名存兒仲名桂花

同里杜景華瞰其父文玘夫婦往

田潛入偪其長者脇以刃不從殺之繼偪仲不從亦殺之并刺其季以滅口季復蘇白其事捕景華置之法知縣楊瞻爲立碑萬歷二十二年間於朝建坊立祠焉

盧氏王萬胡妻夫亡守節窟垞村有萬歷甲辰年節孝碑

新増

王氏馬道遠妻青年守節艱苦備至

孫氏庠生王在鎬妻年二十守節孝事舅姑紡績自給撫幼子入庠四十餘年足跡未出大門里人稱女君子

孫氏庠生趙一琴妻年二十守節一琴之兄欲奪孫志孫泣極前自誓兄又奪其產令婢妾簪迫之孫節操愈堅撫子成立後兄夫婦死孫爲殮葬撫其遺女無怨言

薄氏長史郭孟堅妾無出妻早歿薄撫其二子慈愛備至

善持家政孟堅病薄欲自盡以代家人偵知之防閑周至

薄卽於神前虔禱毀一日以堅其誠孟堅病果瘳布政使

鄭銘爲文樹碑記其事

新
增

崇禎八年九月二十日流賊高迎祥陷扶風一時守義死者

如馬潤姐汝龍之女也賊偪之女以槌擊賊被磔死

張玉娥叅政繼孟之女國子生張慎爲妻不從賊死

周氏庠生馮時可妻賊迫之不從見殺

張氏庠生田畿妻罵賊死

李氏明經陳璉妻罵賊死有犬守其尸七日家人至掩之犬

始去

以上五人
載一統志

史氏庠生羅鴻妻城陷投井死

薛氏庠生邱凌雲妻明經祖唐母也孀居二十載城陷投城

下死

安人陳氏誥封主事王繩祖妻大叅秉鑑母也城陷投井死

唐氏庠生張彥珍妻賊至自縊死

王氏學博馮文可妻賊至赴井死

韓氏武舉張英鍾妻賊至投河死

張氏劉伯義妻賊至自經死

李氏庠生韓一龍妻不從賊投河死

姜氏庠生馬行健妻賊至投河死

趙氏韓養德妻賊至投河死

樊氏庠生王立極妻賊至投河死

淮氏庠生劉文燦妻不從賊投河死

王氏羅儒童妻貢生王琬之妹賊至赴井死

張氏庠生高士慎妻城陷與幼女小姐同秉節死

劉氏宋吉祥妻賊至投河死

張氏庠生張鶴妻賊至自縊死

楊氏魏宗效妻賊至投河死

魏氏王在宗妻賊至投河死

孫氏知府王玘子婦儒士王鑑妻城陷投井死

劉八姐庠生劉芳譽之女賊至投井死

楊菊姐不辱於賊秉節死

國朝

賈氏副使張繼孟妻張獻忠陷成都繼孟不屈被殺氏殉焉

楊氏王秉銓妻青年苦節知縣杜俊章表其門曰貞節

唐氏張英侶妻僉憲張培之母青年守節訓子成立守道余應魁表其閭曰冰清玉潔

喬氏高其行妻孀居四十餘年茹荼教子知縣杜俊章表之
張氏王憲孔妻麟遊學博張月川女也早年守節孝事孀姑
向氏撫遺孤逢年艱苦萬狀四十年無異志年六十八卒

陳氏楊之清妻守節三十二年邑令扁曰茹藥可飲

魏氏糜生甯盡禮妻守貞撫孤學憲楊扁曰松筠比節

魏氏王世成妻奉姑撫子三十九年縣令莊扁曰節孝可風

白氏衛士鎬妻年二十守節刺目剪髮後六十二年而卒邑令毛以懷清足風表之

梁氏孫清妻

王氏李福林妻

趙氏成進傑妻

屈氏王克讓妻守節三十一年乾隆初旌表

見坊表

劉氏庠生王國璿妻守節四十一年子婦蘭氏庠生王燬妻

守節二十九年乾隆初旌表

見坊表

曹氏庠生馮御之妻二十守節邑令毛扁曰柘舟獨矢

劉氏王鼎鼐妻年二十九守節撫姪克儉爲嗣壽七十卒

新増

樊氏權經濟妻年二十五夫亡無子守節三十七年卒

陳氏吳鳳妻年二十五夫亡奉姑守節五十載如一日邑令

毛以松筠比節旌之

趙氏劉開運妻

方氏王作勵妻年二十一夫亡家貧遺孤三歲康熙二十年

大饑或勸改嫁誓死不從撫子成立年八十一卒

新增

鄭氏楊璞妻年二十六而寡無出撫前室子錦成立娶婦賈

氏生孫涇賈亡氏撫涇涇長娶康氏生曾孫鼎葵甫數月

康又亡氏衰年撫鼎葵愈篤劬勞三世年七十二歿

一統志

田氏李楓妻苦節撫子逾三十載

見坊表

王氏趙建業妻年十八夫亡撫孤育叔學憲扁曰全兩世孤

申氏于中貴妻年未三十夫亡遺孤開泰申紡績課讀有載

髮斷機之風繼脫簪珥資開泰從王豐川康南阿講學著有慈訓篇和允集苦節四十餘年開泰後以詞林出爲邑宰母訓之力也

李氏庠生王益嘉妻夫亡無業居室不蔽風雨茹荼終身

李氏封淑人侍讀王豫嘉妻守節四十五年遇歲大荒辛苦

織紉與民婦等又妾田氏豫嘉歿痛不欲生家人止之縫

澣如常得間竟自縊蓋與李有一存孤一死節之約也府志

喬氏党璧聯妻守節五十七載邑令毛表之曰冰心玉映

王氏張敬修妻年十九守節撫孤後四十七年而卒以上劉志

朱氏李振玉妻年十八夫亡撫孤守節乾隆三年旌表

山氏郭積穩妻年二十一守節家貧孝事孀姑撫養遺子姑

逝典釵服以殯葬乾隆七年旌表

見坊表

李氏李法乾妻年二十一夫亡子甫周歲守志奉姑姑病侍

藥未嘗稍懈生事死葬克代子職其娣蘭氏李法坤妻年

二十夫亡遺孤三月偕姒紡績守志並乾隆十三年旌表

見坊表

李氏朱良相妻年二十四守節孝親撫孤乾隆十三年旌表

蘇氏強敵妻年二十四守節遺孤五歲伯氏嘗偪改嫁氏斷

髮懸門伯氏感愧苦節終身乾隆十三年旌表

見坊表

梁氏李榮貴妻年二十六守節子未周歲家貧姑歿嚮釵服

以供殯葬乾隆十四年旌表

薛氏苟彬妻年二十七守節二子俱幼有堂叔謀產勒逼改